

Ima, Ngeni Pu Ba Ing Kakung Kapitung Kebaitan?



Kwento neng: Joseph Ace B. Balingit
Ing mig-translate: Marietta L. Manayag
Ding mig-review: Cherry G. Vinluan EdD
Ruby M. Jimenez PhD

Gulis neng: Carlo D. Yambao
Ding mig-layout: Erwin H. Iruma
Carlo D. Yambao



Eneru

Mayu

Setyembri



Pebrero

Marsu

Abril

Hunyu

Hulyu

Agostu

Oktubri

Nobyembri

Disyembri

Panuntunan ban Mabiasa

- *Aisplika la ring tradisyung magpakilala king komunidad/ ding selebrasyun king kanakung komunidad AP2KNN-IIF-G-9*



DEVELOPMENT TEAM

Kwento neng: Joseph Ace B. Balingit

Ing mig-translate: Marietta L. Manayag

Ding mig-review: Cherry G. Vinluan EdD
Ruby M. Jimenez PhD

Gulis neng: Carlo D. Yambao

Ding mig-layout: Erwin H. Iruma
Carlo D. Yambao

Learning Resource Manager:


Ruby M. Jimenez PhD
Education Program Supervisor
Learning Resources Management and Development Section

PAMPANGA

**Ima, Ngeni Pu Ba
Ing Kakung
Kapitung
Kebaitan?**







B alang kukutnan ke ing kakung imma nung kapilan ing kapitung kebaitan ku, ini ing palagi nang sasabyan kaku. "Eka migaganaka, malapit na ing kekang kebaitan," ing makatiman nang pakibat kaku. Kapilan kaya ing sasabyan nang imma na malapit na? Kapilan ke kaya atanggap ing kakung rigalung bisikleta? Balamu ata ali na ku makapanenaya na datang na ing aldo ning kakung kebaitan.

Eneru



Bulan ning Eneru, egana-gana magsayang sasalubungan ing Bayung Banua, marakal makayapag pamangan at masayang pamitipun king bale. Piniblas na kung polong atin bilug-bilug ima ku. *Polka dots* ata ing awus king imalan ayta. Magdala ya kanung swerti ing imalan ayta, ing sabi na kakung Ima. Magtaka ku at mengutang. “Ima, ngeni na pu ba ing kakung kapitung kebaitan?”



“Aru, anak ali pa ngeni ing kapitu mung kebaitan, masyadu kang mamaligwa. Ngeni ing pamanyalubung tamu king Bayung Banua. Eneru pa ngeni. Magsaya tamu pa at magselebra ba tamung miswerti king banuang iti. Ali ka migaganaka, malapit na ing aldo ning kapitung kebaitan mu,” makatimang sabi na kakung Ima, kabang lalabulan ne ing kayang malutung turutut.

Pebrero



Dinatang ing bulan ning Pebrero.
Kayari ming menagtal malutung rosas
king ardin nang Ima, ginawa kaming
kard na atin gulis a malutung pusu.
Pesulud ne kaku ing bayung malutung
kamiseta na atin ternung pantalun.
Siguru ini ing sulud ku king kakung
kebaitan. Eku mig-adwang isip na
kutnan ke i ima ku. “Ngeni na pu ba
ing kakung kapitung kebaitan?”



“Aru, anak ali mu ba balo na ngeni ing Aldo da ring Puso? Dala mu la ring malutung rosas a inagtal tamu at ing kard. Ibie mu la reni king kekang mestra,” kabang babalut no reni. “Eka migaganaka, malapit na ing kekang kebaitan, bilisan mu na pota malanat la ring malutung rosas,” ing mamalagwang pakibat na kakung Ima.

Marsu



Dintang na ing bulan ning Marsu. Pesukad neng ima ku kanaku ing maputing toga nang Koya kung Karlo. Ini siguru ing sulud ku king kakung kebaitan. “Bage yang bage keka ing toga nang koya mu,” ing matula nang sabing Ima kaku. “Datang ing aldo makasulud ka ring makanyan,” dagdag na pang Ima. “Ima, ngeni na pu ba ing kakung kapitung kebaitan?”



"Aru, naman anak bulan na pa ning Marsu ngeni," ing sabi nang Ima kabang mipagamus ya buntuk. Ngeni ing aldo ning pamanari nang koya mu, ngeni de dinan parangal king iskwela. Ali na ka talaga makapanenaya? Eka maynip, malapit na ing aldo ning kekang kapitung kebaitan. Lukas mu ne pota mangarinatan ya pa," ing paayling sabi na kakung Ima.

Abril



Bulan ning Abril, mapali at malisangan ing panaun. Maranun na kung ginising Ima. Pesulud ne kaku ing imalang pang-swimming. Seli na ku ring bayung dilo a googles at salbabida na kule dalandan. King isip ku, king swimming pool mi pagselebran ing pekapanenayan kung kapitung kebaitan. Anya na kung kasayang mengutang kaya. “Ima, ngeni na pu ba ing kakung kapitung kebaitan?”



“Aru, anak panaun ning kaleldo ngeni. Mas masanting nung mandilu tamu king maragul a swimming pool nang Dara mung Sita. E wari ini ing pekapanenayan mu neng bakasyun? Bilisan mung miblas uling nandin la pa manenaya ring pisan mu. Eka migaganaka, malapit na malapit na talaga ing aldo ning kekang kapitung kebaitan,” ing matula nang pakibat ima ku.



Dinatang ing bulan ning Mayu,
siguradung-siguradu na kung ini
na ing aldo ning kakung kapitung
kebaitan. Pesulud neng ima ku
ing magarang barung Tagalug
na atin burda. Aisip ku nen mung
ating ispesyal a okasyun nya mu ini
pasulud ima ku. Anya kitnan ke i Ima.
“Ima, ngeni na pu ba ing kakung
kapitung kebaitan?”



“Aru, anak magselebra tamung Aldo ning Kapiestan, ating ganapanang sagala potang bengi king kekatamung barangay. Ika ing maswerting mepiling konsorti ning kekatamung maganakang kapitan para king aldo ning kapiestan. Eka migaganaka, mas masanting at magara kanyan ing pasulud ku keka king pekapanayan mung aldo ning kapitu mung kebaitan,” anang sinabing Ima.

Hunyu



Bulan ning Hunyu, maranun na kung ginising Ima ban ipasulud ing imalan kalupa na ning matapang a bayaning i Andres Bonifacio. King isip ku, bayani ing maging tema ning kakung kapitung kebaitan. Tatalnan ke ing pialungang palang a gewa nang Ima at ing banderang ating letrang KKK, malumane kung mengutang kaya, “Ima, e pu ba ngeni ing kakung kebaitan?”



“Aru, pagselebran ta ya ngeni ing Aldo ning Kalayan ning kekatamung bansa. Mikaparada karing bayani king kekayung iskwela ngening abak. Talnan meng masalese ining pialungang palang at bandera, ika pa i Andres Bonifacio, ing dakilang bayani at pamuntuk da ring katipuneru. Eka migaganaka, ditak nang panaun, malapit na ing kekang kebaitan,” ing malumaneng pakibat nang Ima.



Bulan ning Hulyu, kayari ming
mengan manyaman a gisang gule
a nilutu nang Ima, matula yang
matulang pesulud ing kakung imalan
na gawa ya king bulung repolyu at
pitse. Ali ku lubus aisip ing kakung
itsura. King isip ku, baka gule ing
tema ning kakung kapitung kebaitan.
Ali ku mig-alangang mengutang,
“Ima, ngeni pu ba ing kakung
kapitung kebaitan?”



“Aru, pagselebran ta ya ngeni ing Bulan ning Nutrisyun. Gewa ke ing masanting a imalang iyan ban king ligligan king pasantingan susulud imalan. Ali na ka talaga makapanenaya king aldo ning kapitu mung kebaitan ne? Eka migaganaka, pilan nang tudtud at pamamangan malapit na malapit na ingkekang kapitung kebaitan,” ing paayli nang pakibat kakung Ima kabang sasamasnan ne ing kakung imalan.

Agostu



Bulan ning Agostu, pantunan neng Ima ing kakung kamisa de Tsinu ban isulud king ispesyal a aldo. Pesulud ne ini kanaku maski medyu malati ne. "Ini yata ing kakung sulud king kakung kapitung kebaitan," ing sabi ku king kakung sarili. "Ima, ali ya pu ba sobra kalati ing imalan a ini para king kakung kapitung kebaitan?" ing kutang ku kaya.



“Aru, anak ngeni ing aldo ning pamagselebra ning Bulan ning Amanu, ali pa ing aldo ning kekang pekapanenayan. Eka mikakarugan at samasnan mu king pamagpoesia, manalbe kaming tatang mu. Eka migaganaka, pilan namung bulan datang na ing aldo ning kekang kapitung kebaitan,” ing pakibat na kanakung Ima kabang sasamasnan ne ing butonis ning kakung imalan.

Setyembri



Bulan ning Setyembri, gatpanapun na anyang minta kaming ima ku king pipanayan unipormi. Pesukad ne kaku ing bayung unipormi na ating nomirung pitu at sinabing, “Anak baintau na ka talaga, bage yang bage keka ing uniporming pambasketbol. “Ima, ngeni na pu ba ing kakung kapitung kebaitan? Ini ba ing supresa yu kanako?” kutang ku kaya.



“Aru, aliwa yan ing supresa ku keka, yan ing sulud mu king paliga ning basketbol king kekayung iskwela, samasnan mu anak. Eka migaganaka, pilan nang bulan at aldo na na ning kekang kapitung kebaitan,” papiling-piling na sabi nang Ima. “Mas matula ka king surpresang ibie mi keka,” ing dagdag na pa kaku kabang tatalnan ne ing bola.

Oktubri



Bulan ning Oktubri, kaybat ning kekaming pamanyubuk, menyabit kaming Bertung makukuleng bandera da ring miyayaliwang bansa king karapan ning kekaming kwartung pipagaralan. Matula neng binitbit Ima ing metung a masanting a imalan na balamu pang-Mexikanu. Asneng katulang pesulud na kaku. “Ima, ngeni na pu ba ing kakung kapitung kebaitan? Ini pu ba ing kakung isulod?” kutang ku kaya.



“Ali pa ing aldo ayni ing kekang kebaitan, uling pagselebran taya ngeni ing Bulan da ring Bansang Misasanmetung, ika ing magrepresenta king bansang Mexiku.” Tiru na ku pa nung makananung manyabing mayap a abak at kaluguran da ka king amanung Mexikanu. “Enaka maynip, uling pilan nang bulan datang na ing kekang kapitung kebaitan,” ing paayling sabi nang ima ku.

Nobyembri



Bulan ning Nobyembri, kayari ming menyinding kandila at bisitan ing puntud nang apu kung meyangu na bie king kapisantu, agad neng pelitan ima ku ing kakung imalan. Pesulud ne ing metung a imalan balamu metung yang magikeru king pelikula. Aku kanu i Harry Potter. King isip ku, ini ing maging tema ning kakung kapitung kebaitan. “Ima, ngeni na pu ba ing kakung kapitung kebaitan?”



“Ali pa anak, bulan pamu ning Nobyembri ngeni. Ngeni ing Aldo ning Todos los Santus, gaganakan tala king aldo ini ring kaluguran tamu king bie a mete na. Isulud me ing imalan ayni uling *Halloween Party* pota king barangay tamu. Eka maynip uling tutung malapit na ing kekang kebaitan,” ing sabik a sabik a sabi nang ima ku.


Disyembri



Bulan ning Disyembri, kaybat ming sinimbang Ima, okupadu la ngang magsadya. Marakal a parul a pakasabit karing bale, ating magkaroling, marakal pamangan ing makayapag king lamesa, eganga gana kuntodu piblas, ing Christmas tree makapadurut la ring dakal a rigalu, pero balu ku rening rigalu pamye da la ri Ima at Tatang para karing inanak da.



Piniblas na kung Imang bayung malutung imalan at pantalun na ating kayabeng bayung paris a sapatus. “Ali mu ba kutang nung ngeni na ing kapitu mung kebaitan?” magtaka nang kutang Ima kaku. “Ima, ngeni pu ali ku kebaitan, ngeni pu ing kebaitan nang Hesus, ngeni pu ing aldo ning Pasku,” ing masayang sabi ku kaya.



Mipakirut ku anyang bigla yang linub i Tatang na magdalang metung a bayung bisikleta na ating malutung lasu, kayabe ne i Ati na atin dalang chocolate cake at i Koya na atin dalang makukuleng lobu. Agnan-agnan lang megkantang Masayang Kebaitan. Sobrang saya ing kakung penamdaman anyang oras ayta uling ita na pala ing kakung pekapanayan a aldo ning kakung kapitung kebaitan.



“Ngeni pala ing aldo ning kakung kapitung kebaitan.” Pinyak ku la ring kakung mata at matula kong lebulan ding kakung pitung kandila. Ngeni, balu ku na nung kapilan ing aldo ning kakung kebaitan. Uling ali kami mu parewu lagyu Papa Jesus, parewu kami pa aldo kebaitan. “Aku i Jesus S. Dela Cruz, pitu na kung banua idad!”



**TUNGKUL KING SINULAT, KING MIG-TRANSLATE, KARING MIG-REVIEW,
KING GINULIS, AT KARING MIG-LAYOUT**

JOSEPH ACE B. BALINGIT:

Kasalukuyang futuru king
San Isidro Elementary School
Masantol, Pampanga
anting Teacher III

MARIETTA L. MANAYAG:

Kasalukuyang futuru king
Sto. Domingo Elementary School
Sto. Domingo, Minalin, Pampanga
anting Master Teacher II

CHERRY G. VINLUAN EdD:

Education Program Supervisor - Filipino
MTB-MLE-in-Charge
Schools Division Office of Pampanga

RUBY M. JIMENEZ PhD:

Education Program Supervisor - LRMDs
Schools Division Office of Pampanga

CARLO D. YAMBAO:

Kasalukuyang futuru king
Concepcion Integrated School,
San Simon, Pampanga
anting Teacher I

ERWIN H. IRUMA:

Kasalukuyang futuru king
San Basilio High School
San Basilio, Santa Rita, Pampanga
anting Teacher III

Ing kapitung kebaitan metung yang pekamaulagang parti ning bie ning metung a anak. Subaybayan ta ya ing metung a kwentu ning metung a anak nung makananu ya kasabik king aldo ning kayang kapitung kebaitan.

